

Незадовољна странка може покренути управни спор пред Судом Босне и Херцеговине у року од 30 дана од дана пријема, односно објаве овога Рјешења.

Број УП-05-26-2-007-85/18

14. новембра 2018. године

Сарајево

Предсједница
Адиса Бегвић, с. р.

DIREKCIJA ZA CIVILNO ZRAKOPLOVSTVO BOSNE I HERCEGOVINE

6

Na osnovu člana 16. i 61. stav (2) Zakona o upravi ("Službeni glasnik BiH", br. 32/02, 102/09 i 72/17) i člana 14. stav (1) Zakona o zrakoplovstvu Bosne i Hercegovine ("Službeni glasnik BiH", br. 39/09 i 25/18), vršitelj dužnosti generalnog direktora Direkcije za civilno zrakoplovstvo Bosne i Hercegovine donosi

PRAVILNIK O UTVRĐIVANJU ZAHTJEVA ZDRAVSTVENE SPOSOBNOSTI I POSTUPKU IZDAVANJA LJEKARSKOG UVJERENJA KATEGORIJE NAT ZRAKOPLOVNOM OSOBLJU

Član 1.

(Predmet)

Predmet ovog pravilnika je utvrđivanje zahtjeva zdravstvene sposobnosti i postupku izdavanja ljekarskog uvjerenja kategorije NAT zrakoplovnom osoblju.

Član 2.

(Područje primjene)

Ovim pravilnikom se utvrđuju:

- uvjeti i način obavljanja ljekarskog pregleda koji se obavlja u svrhu utvrđivanja zdravstvene sposobnosti zrakoplovnog osoblja za kategoriju NAT;
- uvjeti i način izdavanja, produžavanja i obnavljanja roka važnosti ljekarskog uvjerenja kategorije NAT;
- način odobravanja ljekara za obavljanje ljekarskih pregleda i izdavanje ljekarskog uvjerenja kategorije NAT;
- način vođenja evidencije obavljenih ljekarskih pregleda, izdatih certifikata o zdravstvenoj sposobnosti, te način čuvanja medicinske dokumentacije.

Član 3.

(Pojmovi i skraćenice)

- Pojmovi koji se upotrebljavaju u ovom pravilniku imaju sljedeće značenje:
 - kategorija uvjerenja NAT:** vrsta ljekarskog uvjerenja koje se odnosi na certificirano zrakoplovno osoblje definirano članom 4. Pravilnika;
 - nositelj dozvole:** osoba koja posjeduje dozvolu za obavljanje određenih stručnih poslova u zrakoplovstvu;
 - nositelj ljekarskog uvjerenja:** osoba koja posjeduje važeće ljekarsko uvjerenje o zdravstvenoj sposobnosti kategorije NAT;
 - kandidat:** osoba koja pristupi ljekarskom pregledu radi inicijalnog izdavanja, produženja ili obnavljanja roka važnosti ljekarskog uvjerenja kategorije NAT;
 - obnavljanje roka važnosti ljekarskog uvjerenja kategorije NAT:** postupak koji se provodi nakon isteka roka važnosti ljekarskog uvjerenja kategorije NAT;

- produženje roka važnosti ljekarskog uvjerenja kategorije NAT:** postupak koji se provodi prije isteka roka važnosti ljekarskog uvjerenja kategorije NAT;
 - psihoaktivne supstance:** alkohol, kanabis, sedativi, hipnotici, halucinogeni, isparljiva otapala (kafa i duhanski proizvodi su isključeni);
- Skraćenice koje se upotrebljavaju u ovom pravilniku imaju sljedeće značenje:
 - AeMC** (Aeromedical Center): zrakoplovno-medicinski centar odobren od strane BHDCA za obavljanje ljekarskih pregleda zrakoplovnog osoblja;
 - AME** (Aeromedical Examiner): zrakoplovno-medicinski ispitivač odobren od strane BHDCA za obavljanje ljekarskih pregleda zrakoplovnog osoblja;
 - MA** (Medical assessor): glavni zrakoplovno-medicinski ispitivač ovlašten od strane BHDCA;
 - EMPIC MED:** Elektronski sistem za dokumentiranje ljekarskih pregleda, uz primjenu zahtjeva iz važećih propisa.

Član 4.

(Kategorije zdravstvene sposobnosti - NAT)

- Ljekarsko uvjerenje klase NAT dužno je posjedovati zrakoplovno osoblje koje svoje poslove u zrakoplovstvu obavlja saglasno Dozvoli ili Potvrdi o stručnoj obučenosti, izdatoj na osnovu podzakonskih propisa kojima se regulira pitanje izdavanja predmetne dozvole ili potvrde o stručnoj obučenosti i kojim se zahtjeva da navedena dozvola ili potvrda o stručnoj obučenosti bude podržana ljekarskim uvjerenjem.
- Nositelj Dozvole ili Potvrde o stručnoj obučenosti zrakoplovnog osoblja koristi privilegije dozvole samo ako kod sebe ima važeće ljekarsko uvjerenje definirano u stavu (1) ovog člana.
- Odredbe ovog pravilnika se ne primjenjuju na osoblje koje posjeduje Dozvolu ili Potvrdu o stručnoj obučenosti izdatu na osnovu Pravilnika o utvrđivanju tehničkih zahtjeva i upravnih postupaka u vezi sa letačkim osobljem u civilnom zrakoplovstvu ("Službeni glasnik BiH", broj 4/18) ili Pravilnika o dozvolama kontrolora zračnog prometa, organizacijama za obuku i zrakoplovno-medicinskim centrima ("Službeni glasnik BiH", broj 4/18).

Član 5.

(Zdravstvena sposobnost za izdavanje ljekarskog uvjerenja kategorije NAT)

- Zdravstvena sposobnost zrakoplovnog osoblja uključuje ispunjenje zahtjeva u pogledu fizičkog i mentalnog zdravlja, vida, raspoznavanja boja i zahtjeve u pogledu sluha kandidata za izdavanje ljekarskog uvjerenja.
- Zdravstveni zahtjevi za izdavanje ljekarskog uvjerenja kategorije NAT propisani su u Dodatku 1 i 2 ovog pravilnika.

Član 6.

(Utvrđivanje zdravstvene sposobnosti)

- Zdravstvena sposobnost zrakoplovnog osoblja utvrđuje se na osnovu ljekarskih pregleda koje obavljaju AeMC i AME.
- Zdravstvenu sposobnost zrakoplovnog osoblja, koje nije zadovoljno ocjenom zdravstvene sposobnosti kako je to propisano stavom (1), utvrđuje komisija koju imenuje BHDCA.

Član 7.

(Smanjenje zdravstvene sposobnosti)

- Nositelju dozvole zabranjeno je koristiti privilegije dozvole kada je svjestan smanjenja zdravstvene sposobnosti koja bi mogla imati uticaj na sigurno korištenje privilegija dozvole.

- (2) Nositelj Ljekarskog uvjerenja o zdravstvenoj sposobnosti mora, bez odgađanja, zatražiti zrakoplovno-medicinski savjet AeMC-a ili AME-a kod kojeg je obavio zadnji pregled, kako bi potvrdio da li ispunjava zahtjeve u pogledu zdravstvene sposobnosti pod kojim je izdato dato Ljekarsko uvjerenje, u sljedećim slučajevima:
- bilo kakve bolesti koja bi mogla uključivati nesposobnost korištenja privilegije dozvole;
 - bilo kakve sumnje u zdravstvenu sposobnost, usljed korištenja lijekova ili medicinskih, hirurških ili drugih postupaka.
- (3) Kada je zatražen medicinski savjet, AeMC ili AME mora dokumentovati slučaj u dosije nositelja Ljekarskog uvjerenja.
- (4) Nositelj Ljekarskog uvjerenja o zdravstvenoj sposobnosti, ukoliko namjerava nastaviti koristiti privilegije dozvole, mora u što kraćem roku, a najduže 21 dan od saznanja ili otpuštanja na kućno liječenje, pisanim putem izvijestiti AeMC ili AME o sljedećem:
- ako je podvrgnut hirurškom ili invazivnom postupku;
 - ako je pretrpio bilo kakvu ozljedu koja utiče na zdravstvenu sposobnost kandidata;
 - ako mu je propisana redovna upotreba bilo kakvih lijekova;
 - ako boluje od bolesti koja utiče na zdravstvenu sposobnost;
 - u slučaju trudnoće;
 - ako je primljen u bolnicu ili kliniku;
 - ako mu je propisano nošenje korekcijskih pomagala.
- (5) Certifikat o zdravstvenoj sposobnosti se, u slučajevima iz stava 4. tačka a) do g) ovog člana, smatra privremeno nevažećim dok AeMC/AME ili MA ne donese odluku o zdravstvenoj sposobnosti nositelja.
- (6) AeMC/AME ili MA može prije donošenja odluke o zdravstvenoj sposobnosti odrediti obnavljanje Ljekarskog pregleda ako i kada to ocijeni potrebnim.

Član 8.

(Upotreba lijekova, omamljujućih sredstava i psihoaktivnih supstanci)

- Nositelju Ljekarskog uvjerenja zabranjeno je da koristi privilegije dozvole ako uzima bilo kakve lijekove koji se izdaju na Ljekarski recept ili lijekove koji se izdaju bez Ljekarskog recepta, omamljujuća sredstva ili psihoaktivne supstance, uključujući one koji se koriste za liječenje bolesti ili poremećaja, ukoliko je svjestan bilo kakvih popratnih pojava koje su nespojive sa sigurnim korištenjem privilegija dozvole.
- Nositelju Ljekarskog uvjerenja zabranjeno je uzimati bilo kakav lijek koji se izdaje na Ljekarski recept ili lijek koji se izdaje bez Ljekarskog recepta, te neće biti podvrgnut bilo kakvoj terapiji ako nije siguran da taj lijek ili terapija neće uticati na njegovu sposobnost za sigurno korištenje privilegije dozvole. Ukoliko postoji bilo kakva sumnja, mora zatražiti prethodno mišljenje od AeMC-a ili AME-a.
- Ukoliko nositelj Ljekarskog uvjerenja postupi protivno zabranama navedenim u stavu (1) i (2), a nije prethodno zatražio mišljenje od AeMC-a ili AME-a, BHDCA preduzima mjere propisane Pravilnikom o nadzoru u civilnom zrakoplovstvu ("Službeni glasnik BiH", broj 22/16 i 55/18) i Zakonom o upravi ("Službeni glasnik BiH", br. 32/02, 102/09 i 72/17).

Član 9.

(Ljekarski pregledi)

- Po obimu i sadržaju Ljekarski pregledi mogu biti inicijalni, redovni i vanredni.

- Inicijalni pregled podrazumijeva sveobuhvatni medicinski pregled koji kandidat obavlja prvi put u svrhu sticanja Ljekarskog uvjerenja, a obuhvata pregled u skladu sa zahtjevima za procjenu zdravstvene sposobnosti kategorije NAT.
- Inicijalni Ljekarski pregled mora biti obavljen u AeMC-u ili od strane AME-a u državi izdavanja dozvole zrakoplovnog osoblja.
- Redovni Ljekarski pregled podrazumijeva periodični opšti pregled u skladu sa zahtjevima za procjenu zdravstvene sposobnosti kategorije NAT i mora biti obavljen u roku važnosti Ljekarskog uvjerenja. Isti može biti obavljen u AeMC-u ili od strane AME-a.
- Vanrednim pregledom smatra se svaki pregled zatražen od strane nositelja dozvole, BHDCA ili drugog ovlaštenog lica. Vanredni pregled zrakoplovnog osoblja mora se obaviti u AeMC-u.
- Razlozi za vanredni pregled su gubitak zdravstvene sposobnosti ili sumnja u psihičku ili fizičku sposobnost nositelja dozvole za sigurno korištenje privilegije dozvole. Izvori ovakvih podataka mogu biti nesreće ili nezgode, problemi u radnom okruženju, problem tokom osposobljavanja, stručnih provjera i slično.
- Opseg i sadržaj vanrednog pregleda određuje MA ili odgovorno lice AeMC-a na osnovu razloga zbog kojih se traži vanredni pregled nositelja Ljekarskog uvjerenja.

Član 10.

(Obavljanje Ljekarskih pregleda)

- Kandidat podnosi zahtjev za izdavanje Ljekarskog uvjerenja, u elektronskoj formi EMPIC MED, čiji su izgled i sadržaj propisani i čine sastavni dio EMPIC-a. Ukoliko AeMC ili AME utvrde kako navodi i izjave u zahtjevu nisu istinite, neće izdati Ljekarsko uvjerenje kandidatu, te o tome moraju obavijestiti BHDCA.
- AME je dužan prije pregleda utvrditi identitet kandidata vidom u lični kartu ili drugi identifikacijski dokument sa fotografijom, provjeriti dozvolu zrakoplovnog ovlaštenog lica, odnosno potvrdu o stručnoj obučenosti zrakoplovnog osoblja (ukoliko je izdana), te upozoriti nositelja na materijalnu i krivičnu odgovornost u vezi sa istinitošću podataka navedenih na obrascu zahtjeva.
- Na zahtjev AME-a ili BHDCA, kandidat mora dostaviti potvrdu izabranog, porodičnog ili drugog ljekara kod kojeg se vodi evidencija o njegovoj primarnoj zaštiti i evidencija o ličnom zdravstvenom statusu.
- Nakon obavljenog Ljekarskog pregleda, AME mora usaglasiti rezultate pregleda, ocijeniti zdravstvenu sposobnost i potpisati izvještaj o obavljenom pregledu na obrascu ili putem elektronskog medija, čiji je izgled i sadržaj utvrdila BHDCA i isti je sastavni dio EMPIC-a.
- Ukoliko nisu zadovoljeni zdravstveni zahtjevi za kategoriju zdravstvene sposobnosti NAT, kandidatu AeMC ili AME neće izdati Ljekarsko uvjerenje dok nisu ispunjeni sljedeći uvjeti:
 - da dostavljeni akreditirani medicinski zaključak, donesen od strane BHDCA, ukazuje da je, u posebnim okolnostima, neispunjenje bilo kojeg zahtjeva takvo da neće ugroziti sigurno korištenje privilegija dozvole;
 - da su uzete u obzir odgovarajuće sposobnosti, vještine i iskustvo kandidata i operativni uvjeti pod kojim se kandidat nalazi tokom zrakoplovne aktivnosti;
 - da je u Ljekarskom uvjerenju ili dozvoli/potvrdi o stručnoj obučenosti upisano odgovarajuće ograničenje.
- Ograničenja koja se upisuju u Ljekarskom uvjerenju opisana su u Dodatku 4 ovog pravilnika.

- (7) Ukoliko je kandidat ocijenjen sposobnim, AeMC, odnosno AME, izdaje mu ljekarsko uvjerenje čiji je izgled i sadržaj definiran u Dodatku 3 ovog pravilnika.
- (8) Izuzetno od stava (7) ovog člana, BHDCA može izdati novo ljekarsko uvjerenje, a koje je izdao AeMC, odnosno AME, ako ustanovi da su potrebne ispravke podataka u izdatom uvjerenju.
- (9) Ukoliko je kandidat ocijenjen nesposobnim, AeMC ili AME izdaje konačan akt o neispunjavanju uvjeta za izdavanje ljekarskog uvjerenja kategorije NAT, čiji izgled i osnovne elemente propisuje Zakon o upravnom postupku BiH.
- (10) U slučaju da je kandidat ocijenjen nesposobnim, AeMC/AME mora u roku od 5 dana od dana obavljenog pregleda dostaviti u BHDCA originalan izvještaj o obavljenom ljekarskom pregledu, sa pripadajućom medicinskom dokumentacijom, i kopiju rješenja konačnog akta o neispunjavanju uvjeta za izdavanje ljekarskog uvjerenja kategorije NAT.
- (11) Nakon što je započeo pregled kod jednog AeMC-a ili AME-a, kandidat ne može započeti novi pregled dok u prethodno započetom pregledu nije donesena ocjena zdravstvene sposobnosti u cilju izdavanja ljekarskog uvjerenja klase NAT.
- (12) BHDCA/MA će ograničiti, privremeno suspendovati ili trajno oduzeti izdato ljekarsko uvjerenje i o tome obavijestiti AeMC ili AME, koji je izdao to ljekarsko uvjerenje, ukoliko utvrdi neispunjavanje primjenljivih zahtjeva za lice kome je izdato ljekarsko uvjerenje kategorije NAT.

Član 11.

(Rok važnosti ljekarskog uvjerenja kategorije NAT)

- (1) Ljekarsko uvjerenje kategorije NAT biće važeće za period od:
 - a) 60 mjeseci prije nego kandidat za izdavanje ljekarskog uvjerenja napuni 40 godina starosti. Ljekarsko uvjerenje izdato prije navršenih 40 godine starosti prestaće biti važeće kada nositelj dozvole napuni 42 godine starosti;
 - b) 24 mjeseca poslije navršenih 40 godina starosti kandidata.
- (2) Ukoliko se pregled za produženje roka važnosti ljekarskog uvjerenja obavi unutar 45 dana prije isteka roka važnosti, datum važnosti prethodnog uvjerenja mjerodavan je za određivanje novog roka važnosti uvjerenja.
- (3) Ako postoji klinička indikacija, važnost ljekarskog uvjerenja može biti vremenski ograničena na kraće razdoblje od razdoblja propisanog u ovom članu, uz naznaku ograničenja TML - rok važnosti, u rubriku Ograničenje ljekarskom uvjerenju.
- (4) Ukoliko je rok važnosti ljekarskog uvjerenja istekao najduže do 2 godine, za obnavljanje uvjerenja zahtijeva se redovni ljekarski pregled, koji se mora proširiti dodatnim dijagnostičkim postupcima ili specijalističkim pregledom, prema procjeni MA ili AME-a.
- (5) Ukoliko je rok važnosti ljekarskog uvjerenja istekao duže od 2 godine, BHDCA zahtijeva inicijalni pregled, zasnovan na zahtjevima za procjenu zdravstvene sposobnosti za produženje važnosti ljekarskog uvjerenja.
- (6) Ukoliko je rok važnosti ljekarskog uvjerenja istekao duže od 5 godina, za obnavljanje uvjerenja BHDCA zahtijeva inicijalni pregled, zasnovan na zahtjevima za procjenu zdravstvene sposobnosti za izdavanje roka važnosti ljekarskog uvjerenja.
- (7) Ukoliko AeMC/AME tako procijeni, pregled se može rutinski proširiti bez obzira na vrijeme izdavanja predhodnog ljekarskog uvjerenja.

Član 12.

(Odobrenje zrakoplovno-medicinskog centra (AeMC))

- (1) Na zahtjev AeMC-a, BHDCA izdaje odobrenje za obavljanje ljekarskih pregleda zrakoplovnog osoblja za kategoriju NAT.
- (2) Odobrenje iz stava (1) ovog člana izdaje se AeMC-u odobrenom za provođenje pregleda i izdavanje ljekarskih uvjerenja klase 2.
- (3) AeMC, koji nije prethodno odobren za provođenje ljekarskih pregleda klase 2, u cilju pribavljanja odobrenja za provođenje pregleda i izdavanje ljekarskih uvjerenja klase NAT mora ispuniti uvjete propisane zahtjevima Priloga VI, Poddio AeMC Zrakoplovno-medicinski centri Pravilnika o utvrđivanju tehničkih zahtjeva i upravnih postupaka u vezi sa letačkim osobljem u civilnom zrakoplovstvu ("Službeni glasnik BiH", broj 4/18).

Član 13.

(Odobrenje zrakoplovno-medicinskog ispitivača - AME)

- (1) Na zahtjev AME-a, BHDCA izdaje odobrenje za obavljanje ljekarskih pregleda zrakoplovnog osoblja za kategoriju NAT.
- (2) Odobrenje iz stava (1) ovog člana izdaje se AME-u odobrenom za provođenje pregleda i izdavanje ljekarskih uvjerenja klase 2.
- (3) AME, koji nije prethodno odobren za provođenje ljekarskih pregleda klase 2, u cilju pribavljanja odobrenja za provođenje pregleda i izdavanje ljekarskih uvjerenja klase NAT mora ispuniti uvjete propisane zahtjevima Priloga IV, Poddio D Zrakoplovno-medicinski ispitivači Pravilnika o utvrđivanju tehničkih zahtjeva i upravnih postupaka u vezi sa letačkim osobljem u civilnom zrakoplovstvu ("Službeni glasnik BiH", broj 4/18).

Član 14.

(Evidencija obavljenih ljekarskih pregleda i izdatih ljekarskih uvjerenja, čuvanje medicinske dokumentacije)

- (1) AeMC i AME vodi evidenciju obavljenih ljekarskih pregleda i izdatih ljekarskih uvjerenja elektronskim putem na osnovu evidencije iz EMPIC-a.
- (2) BHDCA arhivira originalnu dokumentaciju i vodi evidenciju obavljenih ljekarskih pregleda od strane AeMC/AME na osnovu dostavljenih elektronskih izvještaja putem EMPIC-a.
- (3) AeMC/AME je dužan dostaviti u BHDCA originalnu medicinsku dokumentaciju, na osnovu koje je izdato ljekarsko uvjerenje putem EMPIC-a, najmanje jednom godišnje radi arhiviranja iste u BHDCA.
- (4) (1) Sva dokumentacija je dostupna samo ovlaštenim osobama. Povjerljivost medicinskih podataka mora se uvijek poštovati. BHDCA, kandidat/nositelj ljekarskog uvjerenja ili njegov izabrani ljekar, te AME, imaju pristup tim dokumentima putem ovlaštenog lica ili EMPIC-a.
(2) Povjerljivost medicinskih podataka je u skladu sa Zakonom o zaštiti ličnih podataka ("Službeni glasnik BiH", br. 49/06, 76/11 i 89/11).
- (5) Kada je to opravdano operativnim okolnostima u službene svrhe, ili na zahtjev kandidata/nositelja ljekarskog uvjerenja, BHDCA može odrediti koji medicinski podaci kandidata/nositelja ljekarskog uvjerenja se mogu prikazati drugim licima ili tijelima, u skladu sa propisima kojima je regulirana zaštita ličnih podataka.
- (6) Medicinsku dokumentaciju, na osnovu koje je izdato ljekarsko uvjerenje, BHDCA čuva 10 godina od isteka roka važnosti ljekarskog uvjerenja.
- (7) Medicinsku dokumentaciju, na osnovu koje je kandidat ocijenjen zdravstveno nesposobnim, BHDCA čuva 10 godina od dana ocjene.

Član 15.

(Dodaci)

Dodaci, štampani uz ovaj pravilnik, čine njegov sastavni dio.
 Dodatak 1: Opšti zahtjevi za procjenu zdravstvene sposobnosti za kategoriju NAT;
 Dodatak 2: Posebni zahtjevi za procjenu zdravstvene sposobnosti za kategoriju NAT;
 Dodatak 3: Obrazac Ljekarskog uvjerenja kategorije NAT;
 Dodatak 4: Ograničenja na Ljekarskom uvjerenju kategorije NAT.

Član 16.

(Prijelazne i završne odredbe)

- (1) Odobrenja, koje je izdao AeMC ili AME, na osnovu propisa koji je bio na snazi prije stupanja na snagu ovog pravilnika, ostaju na snazi do izdavanja odobrenja AeMC ili AME u skladu sa ovim pravilnikom.
- (2) Ljekarska uvjerenja o zdravstvenoj sposobnosti, izdata na osnovu propisa koji je bio na snazi do stupanja na snagu ovog pravilnika, ostaju na snazi do isteka njihove važnosti.

Član 17.

(Stupanje na snagu)

Ovaj pravilnik stupa na snagu 8 dana od dana objave u "Službenom glasniku BiH".

Broj 1-3-02-2-1053-1/18

26. decembra 2018. godine

Banja Luka

V. d. generalnog direktora

Željko Travar, s. r.**DODATAK 1****ZAHTEVI ZA PROCJENU ZDRAVSTVENE SPOSOBNOSTI ZA KATEGORIJU 'NAT'****Uopšteno**

Uvjerjenje o zdravstvenoj sposobnosti može biti izdato kandidatu kod koga je ljekarskim pregledom ustanovljeno da:

- a) nema bilo kakvu abnormalnost, urođenu ili stečenu;
- b) nema bilo kakvu aktivnu, latentnu, akutnu ili hroničnu nesposobnost;
- c) nema ranu, ozljedu ili postoperativnu komplikaciju;
- d) nema bilo kakve posljedice ili nuspojave ukoliko uzima bilo koji propisani lijek ili lijek koji se uzima bez recepta u terapijske, dijagnostičke ili preventivne svrhe, a koje bi imale za posljedicu određeni stepen funkcionalne nesposobnosti, koja bi dovela do iznenadne nesposobnosti za sigurno korištenje privilegija dozvole.

Psihijatrijski zahtjevi

Uvjerjenje o zdravstvenoj sposobnosti izdaje se kandidatu koji nema utvrđenu istoriju bolesti ili kliničke dijagnoze organsko-mentalni poremećaj:

- a) poremećaj u ponašanju i mentalni poremećaj uzrokovan upotrebom psihostimulansa (uključuje sindrom ovisnosti alkoholom i psihostimulansima);
- b) šizofreniju, šizoidni poremećaj;
- c) halucinacije;
- d) poremećaj raspoloženja, neurozu uzrokovanu hroničnim nagomilanim stresom ili somatoformnim poremećajem;
- e) bihevioristički sindrom udružen sa fiziološkim poremećajima ili fizičkim manifestacijama;
- f) poremećaj zrele ličnosti ili ponašanja, posebno ako se objelodani kao radnja koja se ponavlja;
- g) poremećaj psihološkog razvoja bihevioristički ili emocionalni poremećaj sa početkom u djetinjstvu ili adolescenciji;

- h) nespecifičan mentalni poremećaj kada kandidat nije u mogućnosti da koristi privilegije dozvole/ovlaštenja.
- i) kandidat sa depresijom, tretiran antidepressivnim lijekovima, mora biti ocijenjen nesposobnim ukoliko AME ima podatke da stanje kandidata može uticati na sigurno korištenje privilegija dozvole.

Neurološki zahtjevi

- (1) Uvjerjenje o zdravstvenoj sposobnosti izdaje se kandidatu koji nema utvrđenu povijest bolesti ili kliničke dijagnoze:
 - a) progresivne ili neprogresivne bolesti nervnog sistema koje bi mogle uticati na sigurno korištenje privilegija dozvole;
 - b) epilepsija;
 - c) slučajevi poremećaja svijesti bez odgovarajućeg medicinskog objašnjenja.
- (2) Uvjerjenje o zdravstvenoj sposobnosti izdaje se kandidatu koji nema ozljedu glave koja bi mogla uticati na sigurno korištenje privilegija dozvole.

Kardio-vaskularni sistem

- (1) Uvjerjenje o zdravstvenoj sposobnosti izdaje se kandidatu koji nema nikakvu abnormalnost srca, urođenu ili stečenu, koja bi mogla uticati na sigurno korištenje privilegija dozvole.
- (2) Kandidat nakon operacije koronarne spojnice (by-pass) ili angioplastike (sa ili bez stenta) ili sa nekom drugom intervencijom na srcu ili ima istoriju infarkta miokarda ili ima moguće rizike srčane nesposobnosti, ocjenjuje se nesposobnim dok se stanje srca kandidata ne ispita i evaluira saglasno sa najboljom medicinskom praksom i donese ocjena da stanje srca kandidata ne može uticati na sigurno korištenje privilegija dozvole.
- (3) Kandidat sa abnormalnim srčanim ritmom ocjenjuje se nesposobnim dok se srčana aritmija kandidata ne ispita i evaluira u skladu sa najboljom medicinskom praksom i donese ocjena da srčana aritmija kandidata ne mora uticati na sigurno korištenje privilegija dozvole.
- (4) Elektrokardiogram je dio pregleda kardio-vaskularnog sistema i zahtijeva se na svakom ljekarskom pregledu za izdavanje sertifikata o zdravstvenoj sposobnosti.
- (5) Sistolički i dijastolički krvni pritisak moraju biti u granicama vrijednosti normalnog krvnog pritiska. Upotreba lijekova za kontrolu krvnog pritiska je diskvalificirajuća osim kod upotrebe lijekova koji ne utiču na sigurno korištenje privilegija dozvole.
- (6) Uvjerjenje o zdravstvenoj sposobnosti izdaje se kandidatu koji nema nikakvu značajnu abnormalnost funkcija i građe kardio-vaskularnog sistema.

Sistem za disanje

- (1) Uvjerjenje o zdravstvenoj sposobnosti izdaje se kandidatu kod koga ne postoji nesposobnost pluća niti aktivna bolest građe pluća, medijastinuma ili plućne ovojnice, koja bi mogla uticati na gubitak sposobnosti tokom normalnih ili vanrednih zahtjeva. Rendgenski snimak grudnog koša može biti dio inicijalnog ili redovnog ljekarskog pregleda u slučajevima gdje se mogu očekivati znaci asimptomatske plućne bolesti.
- (2) Kandidat s hroničnom opstruktivnom bolešću pluća ocjenjuje se nesposobnim dok se ne ispita i evaluira u skladu sa najboljom medicinskom praksom i donese ocjena da stanje kandidata ne može uticati na sigurno korištenje privilegija dozvole.
- (3) Kandidat s bronhijalnom astmom, sa značajnim simptomima ili vjerovatnim uzrokom znakova nesposobnosti tokom normalnih ili vanrednih zahtjeva, ocjenjuje se nesposobnim.

Upotreba lijekova je diskvalificirajuća, osim onih koji ne bi mogli uticati na sigurno korištenje privilegija dozvole.

- (4) Kandidat sa aktivnom tuberkulozom pluća ocjenjuje se nesposobnim.
- (5) Kandidat sa tuberkulozom koja miruje ili sa zaliječenim lezijama može biti ocijenjen sposobnim.

Probavni sistem

- (1) Kandidat mora biti potpuno bez znakova pojave hernija.
- (2) Kandidat sa značajnim znakovima umanjena funkcije želučano-crijevnog trakta ili njihovih adneksa ocjenjuje se nesposobnim.
- (3) Kandidat sa posljedicama bolesti ili operativnog tretmana na bilo kojem dijelu želučano-crijevnog trakta i njihovih adneksa, bila koja opstrukcija ili kompresija, ocjenjuje se nesposobnim.
- (4) Kandidat, podvrgnut operativnom zahvatom na žučovodu ili crijevnom traktu ili adneksima sa totalnim ili djelimičnim isijecanjem ili odvajanjem bilo kojeg od organa, ocjenjuje se nesposobnim dok AME ne dobije kompletnu medicinsku dokumentaciju i napravi procjenu učinka operacije.

Bolesti u vezi sa metabolizmom, prehranom i endokrinim žlijezdama

- (1) Kandidat sa bolestima u vezi sa metabolizmom, prehranom ili endokrinim žlijezdama, koje bi mogle uticati na sigurno korištenje privilegija dozvole, ocjenjuje se nesposobnim.
- (2) Kandidat s dijabetesom, koji zahtijev inzulina, ocjenjuje se nesposobnim.
- (3) Kandidat s dijabetesom, koji ne zahtijeva inzulina, ocjenjuje se nesposobnim dok stanje kandidata ne pokazuje znakove zadovoljavajuće kontrole primjenom odgovarajuće dijete ili uz dijetu upotreba antidijabetičkih lijekova, koji ne bi mogli uticati na sigurno korištenje privilegija dozvole.

Hematologija

Kandidat sa bolestima krvi i/ili limfnog sistema mora biti ocijenjen nesposobnim dok istraživanje i njegovo stanje ne pokaže da je mala vjerovatnoća uticaja na sigurno korištenje privilegija dozvole. Bolesti srpastih stanica i druge hemoglobinopatije se uobičajeno usklađuju sa ocjenom sposoban.

Genito-urinarne sistem

- (1) Kandidat sa bubrežnim bolestima ili bolestima genito-urinarne sistema ocjenjuje se nesposobnim dok njegovo stanje ne pokaže da je malo vjerovatan uticaj na sigurno korištenje privilegija dozvole.
- (2) Pregled urina je dio svakog ljekarskog pregleda za izdavanje certifikata o zdravstvenoj sposobnosti i svaka abnormalnost nalaza urina zahtijeva odgovarajuće medicinske pretrage.
- (3) Kandidat sa posljedicama bolesti ili operativnog tretmana na bubrežima ili genito-urinarne traktu, pojedinačne opstrukcije, sužavanje ili kompresije, ocjenjuje se nesposobnim dok se stanje kandidata ne ispita i evaluira u skladu sa najboljom medicinskom praksom i donese ocjena da je malo vjerovatan uticaj na sigurno korištenje privilegija dozvole.
- (4) Kandidat podvrgnut nefrektomiji ocjenjuje se nesposobnim do stanja zadovoljavajuće kompenzacije.

Spolno prenosive bolesti i druge infekcije

Kandidat koji je seropozitivan na virus humane imunodeficijencije (HIV) ocjenjuje se nesposobnim dok se stanje kandidata podvrgne ispitivanju i evaluaciji u skladu sa najboljom medicinskom praksom i donese ocjena da je malo vjerovatan uticaj na sigurno korištenje privilegija dozvole. Rana dijagnoza i liječenja sa antiretroviralnom terapijom poboljšava prognozu i stanje kandidata se mora ispitati i evaluirati u skladu sa najboljom

medicinskom praksom. Ukoliko se donese ocjena da je malo vjerovatan uticaj na sigurno korištenje privilegija dozvole, kandidat se može ocijeniti sposobnim.

Ginekologija i porodiljstvo

Kandidatkinja koja je trudna ocjenjuje se nesposobnom. Ako ginekološki nalaz potvrđuje normalnu trudnoću, kandidatkinja se ocjenjuje sposobnom do kraja 15. tjedna trudnoće.

Mišićno-koštani sistem

Kandidat ne smije imati nikakvu abnormalnost kostiju, zglobova, mišića, tetiva ili građe, koja bi mogla uticati na sigurno korištenje privilegija dozvole. Svaka posljedica nastala ozljedom kostiju, zglobova, mišića ili tetiva i anatomska oštećenja zahtijeva funkcionalnu procjenu za ocjenu sposobnosti. Primjenom ovih kriterija kandidat se ocjenjuje sposobnim u dogovoru sa BHDCA, pod uvjetom da nosi odgovarajuće pomagalo.

Otorinolaringološki (Zahtjevi sluha)

- (1) Kandidat koji nije u mogućnosti ispravno razumjeti konverzijski govor u tihoj sobi, na svako uho na udaljenosti od 2 metra, leđima okrenutim od ispitivača, ocjenjuje se nesposobnim.
 - (2) Kad se sluh testira čistom tonalnom audiometrijom, kandidat sa gubitkom sluha, na svako uho odvojeno, većim od 35 dB na bilo kojoj od frekvencije 500, 1 000 ili 2 000 Hz, ili više od 50 dB na 3 000 Hz, ocjenjuje se nesposobnim. Primjenom ovih kriterija kandidat može biti ocijenjen sposobnim u dogovoru sa BHDCA, pod uvjetom da nosi odgovarajuće slušno pomagalo.
 - (3) Ljekarsko uvjerenje izdaje se kandidatu koji nema abnormalnost ili bolest ušiju ili povezanih sistema koji vjerovatno ometaju sigurno korištenje privilegija dozvole. Nalaz mora biti:
 - a) bez smetnji vestibularnih funkcija;
 - b) bez značajne disfunkcije Eustahijeve cijevi; i
 - c) bez neizliječene perforacije membrane bubnjića.
 - (4) Pojedinačna suha perforacija membrane bubnjića ne uvjetuje donošenje ocjene nesposobnosti kandidata. Nalaz mora biti:
 - a) bez opstrukcije nosa;
 - b) bez malformacije ili nikakve bolesti usne šupljine ili gornjeg disajnog puta; koji vjerovatno ometaju sigurno korištenje privilegija dozvole.
 - c) (Zahtjevi za govor)
 - (5) Kandidat sa značajnim smetnjama u govoru ili glasu koji značajno otežavaju govornu komunikaciju ocjenjuje se nesposobnim.
- #### **Oftalmološki zahtjevi**
- (1) Ljekarsko uvjerenje izdaje se kandidatu kod kojeg ne postoji aktivno patološko stanje, akutno i hronično, bez ikakvih sekvela od operativnog tretmana ili ozljeda očiju i njihovih adneksa koji vjerovatno umanjuju normalne vidne funkcije i ometaju sigurno korištenje privilegija dozvole.
 - (2) Zahtjevi vida:
 - a) Testiranje oštine provodi se u okruženju sa nivoom osvjetljenja koji odgovara za redovno uredsko osvjetljenje (30-60 cd/m²).
 - b) Oština vida mjeri se pomoću niza Landoltovih prstena ili sličnim optotipom, postavljenim na odgovarajuću udaljenost od podnosioca zahtjeva, zavisno od načina testiranja.
 - c) Oština vida na daljinu, sa ili bez korekcije, mora biti 6/12 ili bolja na svakom oku odvojeno i oština vida na oba oka mora biti 6/9 ili bolja. Za neispravljenu oštrinu vida ne primjenjuju se ograničenja. Primjenom ovih kriterija za oštrinu vida na daljinu sa korekcijskim

lećama kandidat se ocjenjuje sposobnim pod uvjetom da nosi ili ima na raspolaganju korekcijske leće tokom korištenja privilegija dozvole.

- d) Kandidat može koristiti kontaktna leće pod uvjetom da su leće monofokalne i neobojene i da se dobro podnose. Određivanje oštine vida sa ili bez korekcije provodi se na svakom ljekarskom pregledu za izdavanje certifikata o zdravstvenoj sposobnosti.
- e) Kandidat koji ima oštrinu vida bez korekcije na svakom oku slabije od 6/6 mora imati kompletan oftalmološki pregled na inicijalnom pregledu za izdavanje certifikata o zdravstvenoj sposobnosti i dalje prema procjeni AME-a. Kandidat mora biti sposoban čitati, sa ili bez korekcije, tabelu NS ili ekvivalentnu na udaljenosti 30 - 50 cm.
- f) Ako postoje zahtjevi sa korekcijom vida na blizinu, kandidat se ocjenjuje sposobnim uz prepisivanje nošenja korekcijskih naočala na blizinu.
- g) Ako postoje zahtjevi sa korekcijom vida na blizinu uz neobavezno nošenje korekcijskih naočala, korekcijske naočale moraju biti na raspolaganju tokom korištenja privilegija dozvole.
- (3) Kandidat mora imati normalno vidno polje.
- a) Stanja koja zahtijevaju izvještaj specijaliste oftalmologa: bitno pogoršanje oštine vida bez korekcije, pogoršanje oštine vida sa korekcijom, pojava bolesti oka, ozljeda oka i operacije oka.
- b) Kandidat koji je bio podvrgnut operativnom tretmanu, korekciji grešaka refrakcije, ocjenjuje se nesposobnim dok ne bude oslobođen smetnji koje bi mogle ometati sigurno korištenje privilegija dozvole.
- c) Kandidat mora imati normalan binokularni vid. Gubitak stereovida, nenormalna konvergencija, s neravnotežom očnih mišića, gdje su rezerve fuzije nedovoljne da spriječe astenopiju i diplopiju, je diskvalificirajuće.

DODATAK 2

POSEBNI ZAHTJEVI ZA PROCJENU ZDRAVSTVENE SPOSOBNOSTI ZA KATEGORIJU NAT

Posebni zahtjevi za procjenu zdravstvene sposobnosti kandidata za izdavanje ljekarskog uvjerenja kategorije NAT definirani su MED.B.095, Priloga IV Pravilnika o utvrđivanju tehničkih zahtjeva i upravnih postupaka u vezi sa letačkim osobljem u civilnom zrakoplovstvu ("Službeni glasnik BiH", broj 4/18) i pripadajućim Prihvatljivim načinima ispunjenja zahtjeva MED.B.095, kako slijedi:

- a) AMC2 MED.B.095 - Kardiovaskularni sistem;
- b) AMC3 MED.B.095 - Sistem za disanje;
- c) AMC4 MED.B.095 - Probavni sistem;
- d) AMC5 MED.B.095 - Sistem metabolizma, ishrane i endokrine žlijezde;
- e) AMC6 MED.B.095 - Hematologija;
- f) AMC7 MED.B.095 - Genito-urinarni sistem;
- g) AMC8 MED.B.095 - Infektivne bolesti;
- h) AMC9 MED.B.095 - Ginekologija i porodiljstvo;
- i) AMC10 MED.B.095 - Mišićno-koštani sistem;
- j) AMC11 MED.B.095 - Psihijatrija;
- k) AMC12 MED.B.095 - Psihologija;
- l) AMC13 MED.B.095 - Neurologija;
- m) AMC14 MED.B.095 - Oftalmologija;
- n) AMC15 MED.B.095 - Raspoznavanje boja;
- o) AMC16 MED.B.095 - Otorinolaringologija;

DODATAK 3

OBRAZAC LJEKARSKOG UVJERENJA KATEGORIJE NAT

- (1) Ljekarsko uvjerenje klase NAT štampa se na papiru dimenzija 297x210 mm i sastavljeno je iz sedam nezavisnih polja.
- (2) Ljekarsko uvjerenje iz stava (1) ovog dodatka ispisano je na jednom od službenih jezika u Bosni i Hercegovini. Predmetno uvjerenje može sadržavati i prevod teksta uvjerenja i na engleski jezik.
- (3) Sadržaj polja ljekarskog uvjerenja treba da sadrži sljedeće elemente:
- a) Prvo polje sadrži minimalno sljedeće elemente:
- Naziv države koja je izdala uvjerenje;
 - Broj dozvole na koju se uvjerenje odnosi, odnosno broj pod kojim je izdato ljekarsko uvjerenje;
 - Ime i prezime nositelja dozvole;
 - Datum rođenja imatelja uvjerenja;
 - Adresa prebivališta imatelja uvjerenja;
 - Državljanstvo imatelja uvjerenja;
 - Prostor za svojeručni potpis imatelja uvjerenja.
- b) Drugo polje sadrži minimalno sljedeće elemente:
- Oznaku kategorije uvjerenja 'NAT';
 - Rok važnosti uvjerenja;
 - Datum izdavanja uvjerenja;
 - Podatke i svojeručni potpis ljekara koji je izdao uvjerenje.
- c) Treće polje sadrži minimalno sljedeće elemente:
- Ograničenja ljekarskog uvjerenja;
 - Ostale primjedbe.
- d) Četvrto polje sadrži minimalno sljedeće elemente:
- Datum isteka prethodnog ljekarskog uvjerenja;
 - Datum posljednjih i sljedećih testova koje kandidat provodi;
 - Izjavu o svjesnosti postojanja ograničenja i obaveze pridržavanja ograničenja.
- e) Peto polje sadrži minimalno sljedeće elemente:
- Minimalni periodični zahtjevi za preglede pri izdavanju ljekarskog uvjerenja;
 - Primjedbe;
- f) Šesto polje je prazno polje, i
- g) Sedmo polje sadrži sljedeće podatke:

Naziv organa: Direkcija za civilno zrakoplovstvo BiH
Grb Bosne i Hercegovine;

Naziv: Ljekarsko uvjerenje klase NAT

Osnov za izdavanje ljekarskog uvjerenja: Ljekarsko uvjerenje izdato u skladu sa Pravilnikom o utvrđivanju zahtjeva zdravstvene sposobnosti i postupku izdavanja ljekarskog uvjerenja kategorije NAT zrakoplovnom osoblju.

DODATAK 4

OGRAIČENJA LJEKARSKOG UVJERENJA KATEGORIJE "NAT"

Oznaka ograničenja	Opis ograničenja	Privilegija izdavanja ograničenja
VDL	Korekcija vida na daljinu Correction for defective distant vision	AME/AeMC
VML	Korekcija vida na daljinu i blizinu Correction for defective distant, intermediate and near vision	AME/AeMC
VNL	Korekcija vida na blizinu Correction for defective near vision	AME/AeMC
CCL	Korekcija samo pomoću kontaktnih leća Correction by means of contact lenses only	AME/AeMC
APL	Važi samo uz odobreno pomagalo Valid only with approved prosthesis	AME/AeMC

HAL	Važi samo uz nošenje slušnih pomagala Valid only when hearing aids are worn	AME/AeMC
SIC	Specifični standardni ljekarski pregled(i)- kontaktiraj nadležno tijelo za dozvole Specific regular medical examination(s) - contact licensing authority	AMS
SSL	Posebna ograničenja kao što je navedeno Special restrictions as specified	AMS
RXO	Specijalistički oftalmološki pregledi Specialist ophthalmological examinations	AME/AeMC

Temeljem članka 16. i 61. stavak (2) Zakona o upravi ("Službeni glasnik BiH", br. 32/02, 102/09 i 72/17) i članka 14. stavak (1) Zakona o zrakoplovstvu Bosne i Hercegovine ("Službeni glasnik BiH", br. 39/09 i 25/18), vršitelj dužnosti generalnog ravnatelja Direkcije za civilno zrakoplovstvo Bosne i Hercegovine donosi

**PRAVILNIK
O UTVRĐIVANJU ZAHTJEVA ZDRAVSTVENE
SPOSOBNOSTI I POSTUPKU IZDAVANJA
LIJEČNIČKOG UVJERENJA KATEGORIJE NAT
ZRAKOPLOVNOG OSOBLJU**

Članak 1.

(Predmet)

Predmet ovog pravilnika je utvrđivanje zahtjeva zdravstvene sposobnosti i postupku izdavanja liječničkog uvjerenja kategorije NAT zrakoplovnog osoblja.

Članak 2.

(Područje primjene)

Ovim pravilnikom se utvrđuju:

- a) uvjeti i način obavljanja liječničkog pregleda koji se obavlja u svrhu utvrđivanja zdravstvene sposobnosti zrakoplovnog osoblja za kategoriju NAT;
- b) uvjeti i način izdavanja, produžavanja i obnavljanja roka važnosti liječničkog uvjerenja kategorije NAT;
- c) način odobravanja liječnika za obavljanje liječničkih pregleda i izdavanje liječničkog uvjerenja kategorije NAT;
- d) način vođenja evidencije obavljenih liječničkih pregleda, izdatih certifikata o zdravstvenoj sposobnosti, te način čuvanja medicinske dokumentacije.

Članak 3.

(Pojmovi i kratice)

- (1) Pojmovi koji se upotrebljavaju u ovom pravilniku imaju sljedeće značenje:
 - a) **kategorija uvjerenja NAT**: vrsta liječničkog uvjerenja koje se odnosi na certificirano zrakoplovno osoblje definirano člankom 4. Pravilnika;
 - b) **nositelj dozvole**: osoba koja posjeduje dozvolu za obavljanje određenih stručnih poslova u zrakoplovstvu;
 - c) **nositelj ljekarskog uvjerenja**: osoba koja posjeduje važeće liječničko uvjerenje o zdravstvenoj sposobnosti kategorije NAT;
 - d) **kandidat**: osoba koja pristupi liječničkom pregledu radi inicijalnog izdavanja, produženja ili obnavljanja roka važnosti liječničkog uvjerenja kategorije NAT;
 - e) **obnavljanje roka važnosti liječničkog uvjerenja kategorije NAT**: postupak koji se provodi nakon isteka roka važnosti liječničkog uvjerenja kategorije NAT;
 - f) **produženje roka važnosti liječničkog uvjerenja kategorije NAT**: postupak koji se provodi prije isteka roka važnosti liječničkog uvjerenja kategorije NAT;

- g) **psihoaktivne supstance**: alkohol, kanabis, sedativi, hipnotici, halucinogeni, isparljiva otapala (kafa i duhanski proizvodi su isključeni);
- (2) Kratice koje se upotrebljavaju u ovom pravilniku imaju sljedeće značenje:
 - a) **AeMC** (Aeromedical Center): zrakoplovno-medicinski centar odobren od strane BHDCA za obavljanje liječničkih pregleda zrakoplovnog osoblja;
 - b) **AME** (Aeromedical Examiner): zrakoplovno-medicinski ispitivač odobren od strane BHDCA za obavljanje liječničkih pregleda zrakoplovnog osoblja;
 - c) **MA** (Medical assessor): glavni zrakoplovno-medicinski ispitivač ovlašten od strane BHDCA;
 - d) **EMPIC MED**: Elektronski sustav za dokumentiranje liječničkih pregleda, uz primjenu zahtjeva iz važećih propisa.

Članak 4.

(Kategorije zdravstvene sposobnosti - NAT)

- (1) Liječničko uvjerenje klase NAT dužno je posjedovati zrakoplovno osoblje koje svoje poslove u zrakoplovstvu obavlja saglasno Dozvoli ili Potvrdi o stručnoj obučenosti, izdatoj na temelju podzakonskih propisa kojima se regulira pitanje izdavanja predmetne dozvole ili potvrde o stručnoj obučenosti i kojim se zahtijeva da navedena dozvola ili potvrda o stručnoj obučenosti bude podržana liječničkim uvjerenjem.
- (2) Nositelj Dozvole ili Potvrde o stručnoj obučenosti zrakoplovnog osoblja koristi privilegije dozvole samo ako kod sebe ima važeće liječničko uvjerenje definirano u stavku (1) ovog članka.
- (3) Odredbe ovog pravilnika se ne primjenjuju na osoblje koje posjeduje Dozvolu ili Potvrdu o stručnoj obučenosti izdatu na temelju Pravilnika o utvrđivanju tehničkih zahtjeva i upravnih postupaka u vezi sa letačkim osobljem u civilnom zrakoplovstvu ("Službeni glasnik BiH", broj 4/18) ili Pravilnika o dozvolama kontrolora zračnog prometa, organizacijama za obuku i zrakoplovno-medicinskim centrima ("Službeni glasnik BiH", broj 4/18).

Članak 5.

(Zdravstvena sposobnost za izdavanje liječničkog uvjerenja kategorije NAT)

- (1) Zdravstvena sposobnost zrakoplovnog osoblja uključuje ispunjenje zahtjeva u pogledu fizičkog i mentalnog zdravlja, vida, raspoznavanja boja i zahtjeve u pogledu sluha kandidata za izdavanje liječničkog uvjerenja.
- (2) Zdravstveni zahtjevi za izdavanje liječničkog uvjerenja kategorije NAT propisani su u Dodatku 1 i 2 ovoga pravilnika.

Članak 6.

(Utvrđivanje zdravstvene sposobnosti)

- (1) Zdravstvena sposobnost zrakoplovnog osoblja utvrđuje se na temelju liječničkih pregleda koje obavljaju AeMC i AME.
- (2) Zdravstvenu sposobnost zrakoplovnog osoblja, koje nije zadovoljno ocjenom zdravstvene sposobnosti kako je to propisano stavkom (1), utvrđuje povjerenstvo koje imenuje BHDCA.

Članak 7.

(Smanjenje zdravstvene sposobnosti)

- (1) Nositelju dozvole zabranjeno je koristiti privilegije dozvole kada je svjestan smanjenja zdravstvene sposobnosti koja bi mogla imati utjecaj na sigurno korištenje privilegija dozvole.
- (2) Nositelj liječničkog uvjerenja o zdravstvenoj sposobnosti mora, bez odgađanja, zatražiti zrakoplovno-medicinski savjet AeMC-a ili AME-a kod kojeg je obavio zadnji pregled, kako bi potvrdio da li ispunjava zahtjeve u pogledu